

Na osnovu Zakona o budžetima u FBiH („Službene novine FBiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), člana 9. Pravilnika o vrstama vlastitih javnih prihoda u FBiH („Službene novine FBiH“ br. 104/22), Pravilnika o izmjenama i dopunama Pravilnika o načinu uplate, pripadnosti i raspodjele javnih prihoda u FBiH („Službene novine FBiH“ br. 37/23), člana 55. stav (2) tačka e) Statuta Javne ustanove „Centar za napredne tehnologije u Sarajevu“ i člana 30. Statuta Javne ustanove „Centar za napredne tehnologije u Sarajevu“ (u daljem tekstu: *Centar*) broj: 318-010/23 od 07.06.2023. godine, Upravni odbor na 45.(četrdesetpetoj) redovnoj sjednici održanoj dana 14.03.2024. godine donosi

PRAVILNIK

O VRSTAMA VLASTITIH JAVNIH PRIHODA JAVNE USTANOVE „CENTAR ZA NAPREDNE TEHNOLOGIJE U SARAJEVU“

I - OSNOVNE ODREDBE

Član 1.

(Predmet)

Pravilnikom o vrstama vlastitih javnih prihoda Javne ustanove „Centar za napredne tehnologije u Sarajevu“ (u daljem tekstu: **Pravilnik**) propisuju se vrste vlastitih javnih prihoda, način i namjena trošenja vlastitih javnih prihoda.

Član 2.

(Vlastiti prihodi)

Vlastitim javnim prihodima iz člana 1. ovog Pravilnika smatraju se prihodi koje Centar ostvaruje obavljanjem svoje osnovne djelatnosti.

II – KRITERIJI ZA UTVRĐIVANJE I VRSTE VLASTITIH JAVNIH PRIHODA

Član 3.

(Kriteriji za sticanje vlastitih prihoda)

Centar stiče vlastite prihode u skladu sa Zakonom o budžetima FBiH („Službene novine FBiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22) i Pravilnikom o vrstama vlastitih javnih prihoda u FBiH („Službene novine FBiH“ br. 104/22) kojim su definisani kriteriji za utvrđivanje vlastitih javnih prihoda.

Član 4.

(Vrste vlastitih prihoda)

Vrste vlastitih prihoda koje ostvaruje Centar su:

- a. Vlastiti prihodi od iznajmljivanja opreme (722645);
 - Pravni osnov za ostvarivanje navedenog vlastitog prihoda bit će Ugovor o zakupu opreme koji će se zaključiti između zakupoprimca opreme i zakupodavca (Centra) opreme.
 - Vlastiti prihodi od iznajmljivanja opreme uplaćivat će se na vrstu prihoda 722645.

- b. Prihodi po osnovu realizacije aktivnosti naučno-istraživačkog rada, izrade elaborata, studija, evaluacija, ekvivalencije, ekspertiza i drugih stručnih usluga (722652);
 - Pravni osnov za ostvarivanje navedenog prihoda bit će Cjenovnik usluga/proizvoda broj: 676-010/23 od 31.10.2023. godine na koji je data saglasnost od strane Upravnog odbora.
 - Vlastiti prihodi po osnovu realizacije aktivnosti naučno-istraživačkog rada, izrade elaborata, studija, evaluacija, ekvivalencije, ekspertiza i drugih stručnih usluga uplaćivat će se na vrstu prihoda 722652.
- c. Prihodi od realizacije stručno-edukativnih aktivnosti i drugih oblika javnog istupanja (seminari, savjetovanja, okrugli stolovi) (722653);
 - Pravni osnov za ostvarivanje navedenog prihoda bit će Cjenovnik usluga/proizvoda broj: 676-010/23 od 31.10.2023. godine na koji je data saglasnost od strane Upravnog odbora.
 - Vlastiti prihodi od realizacije stručno-edukativnih aktivnosti i drugih oblika javnog istupanja (seminari, savjetovanja, okrugli stolovi) uplaćivat će se na vrstu prihoda 722653.
- d. Prihodi po osnovu distribucije i prodaje svih oblika pisanih, foto i video publikacija i materijala, obrazaca (722655);
 - Pravni osnov za ostvarivanje navedenog prihoda bit će Cjenovnik usluga/proizvoda broj: 676-010/23 od 31.10.2023. godine na koji je data saglasnost od strane Upravnog odbora.
 - Vlastiti prihodi po osnovu distribucije i prodaje svih oblika pisanih, foto i video publikacija i materijala uplaćivat će se na vrstu prihoda 722655.

III – PLAĆANJE, KORIŠTENJE VLASTITIH JAVNIH PRIHODA

Član 5.

(Planiranje i raspolaganje vlastitim javnim prihodima)

(1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima u FBiH („Službene novine FBiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22).

(2) Vlastiti javni prihodi Centra se planiraju u budžetu odnosno u finansijskom planu, te se na osnovu istih planiraju i rashodi koji će se pokriti iz tih prihoda.

(3) Vlastiti javni prihodi iz člana 4. ovog Pravilnika se koriste za pokriće troškova nastalih obavljanjem poslova i zadataka vezanih za ostvarivanje vlastitih prihoda, a dio na kapitalne izdatke.

Član 6.

(Uplata vlastitih javnih prihoda)

(1) Vlastiti javni prihodi iz člana 4. ovog Pravilnika uplaćuju se i evidentiraju na depozitni račun Budžeta Kantona Sarajevo u skladu sa Pravilnikom o načinu uplate javnih prihoda budžeta i vanbudžetskih fondova na teritoriji FBiH.

(2) Centar je odgovoran za blagovremenu naplatu potraživanja po osnovu vlastitih javnih prihoda iz člana 4. ovog Pravilnika.

IV – ZAVRŠNA ODREDBA

Član 7. (Stupanje na snagu)

Ovaj Pravilnik stupa na snagu **danom** davanja saglasnosti od strane Vlade Kantona Sarajevo.

Broj: 189-010/24
Sarajevo, 14.03.2024. god.



Predsjednik Upravnog odbora

Salko Polimac, dipl.iur.

